

Pregled Dokumenta | Broj
63/05

Početna (/) / Dokumenti (/Docs/) / Službene novine Federacije BiH (/Docs/Drzavni)
/ Dokumenti pregled

Službene novine Federacije BiH, broj 63/05

Na osnovu člana 22. stav 1. i 4. Zakona o slatkovodnom ribarstvu ("Službene novine Federacije BiH", broj 64/04), federalni ministar poljoprivrede, vodoprivrede i šumarstva donosi

PRAVILNIK

O PROGRAMU I NAČINU POLAGANJA RIBARSKOG ISPITA, OBRASCU I NAČINU IZDAVANJA UVJERENJA O POLOŽENOM RIBARSKOM ISPITU I REGISTRU O IZDATIM UVJERENJIMA O POLOŽENOM RIBARSKOM ISPITU

Član 1.

Ovim Pravilnikom propisuje se program i način polaganja ribarskog ispita, obrazac i način izdavanja uvjerenja o položenom ribarskom ispitu (u daljnjem tekstu: Uvjerenje) i oblik, sadržaj i način vođenja registara o izdatim uvjerenjima (u daljnjem tekstu: Registar).

Član 2.

Program za polaganje ribarskog ispita (u daljnjem tekstu: Program) obuhvata slijedeće teme:

1. zakonski propisi u sportsko-rekreativnom ribolovu;
2. gospodarenje ribljim fondom u sportsko-rekreativnom ribolovu;

3. ribe slatkih voda Federacije BiH;
4. zaštita riba, ribljih staništa i poribljavanje;
5. uticaj alohtonih vrsta riba;
6. pravila sportsko-rekreativnog ribolova (ribolovne vode, prava, obaveze i ovlaštenja ribočuvara, ribolovni pribor i alati, zabrane i lovostaj, kazne u sportsko-rekreativnom ribolovu, ribolovna društva, prava i obaveze članova i kodeks).

Okvirni sadržaji iz tema navedenih u stavu 1. ovoga člana osnov su za oblikovanje ispitnih pitanja na provjeri znanja.

Ribarski ispit (u daljnjem tekstu: ispit) polaže se pismeno rješavanjem testa.

Član 3.

Federalni sportsko-ribolovni savez (u daljnjem tekstu: Savez) izdaje Priručnik za sportsko-rekreativni ribolov kao podlogu za pripremanje ispita, a na Program i Priručnik saglasnost izdaje federalni ministar poljoprivrede, vodoprivrede i šumarstva (u daljnjem tekstu: federalni ministar).

Član 4.

Ispit se polaže pred Komisijom za ribarske ispite (u daljnjem tekstu: Komisija), koju na prijedlog Saveza imenuje federalni ministar.

Komisija se sastoji od 6 članova koji između sebe biraju predsjednika, sekretara i zapisničara Komisije.

Član 5.

Ispite organizuje i održava Savez.

Rokove za polaganje ispita određuje predsjednik Komisije.

Ispit se polaže svake prve subote u mjesecu, tokom cijele godine.

Član 6.

Kandidat koji želi polagati ispit podnosi pismenu prijavu putem matičnog društva ili direktno Savezu.

Prijava iz stava 1. ovog člana mora se predati najkasnije 7 dana prije ispita i treba sadržavati:

- ime i prezime kandidata;
- adresu prebivališta;
- jedinstveni matični broj kandidata;
- broj lične karte ili broj pasoša kandidata;
- datum i mjesto rođenja;
- naziv matičnog sportsko-ribolovnog društva.

Član 7.

Članovi Komisije moraju biti stručna i iskusna lica u oblasti sportsko-rekreativnog ribolova, sa VSS-pravnim ili poljoprivrednim fakultetom.

Predsjednik, članovi i sekretar Komisije imaju pravo na naknadu za rad u Komisiji.

Na ispitu moraju biti prisutna najmanje tri člana Komisije iz stava 1. ovog člana.

Za rad na gore navedenim poslovima članovima Komisije pripada naknada u netto iznosu od 20,00 KM po kandidatu.

U iznos naknade iz stava 4. ovog člana uključeni su i troškovi organizovanja ispita.

Član 8.

Za kandidata koji neopravdano odustane od započetog polaganja ispita, smatra se da nije položio ispit.

Kandidat koji ne položi ispit stiče pravo ponovo podnijeti zahtjev za polaganje ispita nakon 15 dana.

Član 9.

O toku polaganja ispita vodi se zapisnik za svakog kandidata posebno, a u zapisnik se unose svi podaci od značaja za tok ispita kao i ocjena.

Zapisnik vodi sekretar Komisije.

Zapisnik potpisuje predsjednik i sekretar Komisije.

Član 10.

Ukupna ocjena uspjeha ispita je "položio" ili "nije položio".

Kandidat se ocjenjuje ocjenom "položio" ako je pokazao zadovoljavajuće znanje ispitnog gradiva, odnosno pravilno riješio 75 % testa.

Član 11.

O položenom ispitu svakom kandidatu Federalno ministarstvo poljoprivrede, vodoprivrede i šumarstva (u daljnjem tekstu: Federalno ministarstvo) izdaje Uvjerenje na obrascu koji je štampan uz ovaj Pravilnik i čini njegov sastavni dio (prilog 1.).

Član 12.

Obrazac Uvjerenja iz člana 11. ovog Pravilnika sastoji se od jednog lista papira A 4 formata.

Obrazac Uvjerenja toniran je u zelenoj boji.

Podaci u obrascu Uvjerenja ispunjavaju se kompjuterski, pisaćom mašinom ili rukom štampanim slovima.

Član 13.

Na obrascu Uvjerenja od vrha prema dnu je tekst sljedećeg sadržaja:

- grb Federacije BiH;
- naziv tijela koje izdaje Uvjerenje;
- naziv obrasca Uvjerenja;
- ime i prezime nosioca Uvjerenja;
- adresa prebivališta nosioca Uvjerenja;
- JMBG;
- broj lične karte ili broj pasoša nosioca Uvjerenja;
- datum, mjesto i država rođenja nosioca Uvjerenja;
- državljanstvo nosioca Uvjerenja;
- mjesto i datum kada je nosioc Uvjerenja položio ispit;
- M. P. i potpis ovlaštenog lica;
- serijski broj obrasca Uvjerenja.

Član 14.

Uvjerenje iz člana 11. ovog Pravilnika, bez obaveze polaganja ispita, izdat će se:

- licu koje je na osnovu propisa koji su bili na snazi do stupanja na snagu Zakona o slatkovodnom ribarstvu položilo ribarski ispit ili koje je položilo kolegij ribarstva na VI ili VII stepenu obrazovanja;

- licu koje je položilo ribočuvarski ispit.

Uvjerjenje iz stava 1. ovog člana izdavat će se zaključno s 31. decembrom 2006. godine.

Član 15.

Registar o izdatim uvjerenjima po ovom Pravilniku (u daljnjem tekstu: Registar), vodi se prema obrascu Registra koji je štampan uz ovaj Pravilnik i čini njegov sastavni dio (prilog 2.).

Registar se sastoji od listova papira standardnog formata A4 koji su označeni rednim brojevima i moraju biti uvezani.

Član 16.

U Registar se upisuju sljedeći podaci:

- redni broj upisa;
- serijski broj obrasca uvjerenja;
- podaci o licu kojem je izdato uvjerenje (ime i prezime, adresa prebivališta)
- broj lične karte ili broj pasoša, (datum, mjesto i država rođenja);
- podaci u vezi s izdatim uvjerenjem (mjesto i datum polaganja ispita, ovlašteno lice).

Član 17.


Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-02-330/05
oktobra 2005. godine
Sarajevo

Ministar

Marinko Božić, s. r.

Prilog 1.



**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO POLJOPRIVREDE,
VODOPRIVREDE I ŠUMARSTVA
*-KOMISIJA ZA RIBARSKI ISPIT-***

**UVJERENJE
O POLOŽENOM RIBARSKOM ISPITU**

(ime i prezime)

(adresa prebivališta)

Prilog 2.



ENOM RIBARSKOM ISPITU
_____, STRANA _____

um, mjesto i ava rođenja	Datum i mjesto polaganja ispita	Ovlašteno lice
5	6	7

Hvala što ste naš pretplatnik. Koristite pogodnosti koje dobijate pretplatom.

O nama

Javno preduzeće Novinsko-izdavačka
organizacija SLUŽBENI LIST BOSNE I
HERCEGOVINE. Sva prava pridržana.
2014

Adresa

Džemala Bijedića 39/III
71000 Sarajevo
Bosna i Hercegovina
Email: sllist@sllist.ba
(<mailto:sllist@sllist.ba>)

Kontakti

Centrala

Tel: 033/722-030

Email (<mailto:info@sllist.ba>)

Uredništvo

Tel: 033/722-038

Prodaja

Tel: 033/722-079

Oglasni Email (<mailto:info@sllist.ba>)

odjel

Tel: 033/722-049 i 033/722-050, Fax:

Email (mailto:urednistvo@slist.ba)

033/722-074

Pravna služba

Email (mailto:oglas@slist.ba)

Tel: 033/722-051

Tehnički sekretar

Email (mailto:info@slist.ba)

Tel: 033/722-061, Fax: 033/722-064

Računovodstvo

Ured direktora

Tel: 033/722-045, Fax: 033/722-046

Tel: 033/722-061

Email

Komercijala

(mailto:racunovodstvo@slist.ba)

Tel: 033/722-042

Pretplata

Tel: 033/722-054

Email (mailto:pretplata@slist.ba)

Ekspedit

Tel: 033/722-041

Email (mailto:info@slist.ba)

2014 © JP NIO Službeni list Bosne i Hercegovine. Sva Prava Pridržana.